

# Kukkunersiuisut naalagaaffimmit akuerisaasut soraarummeertarnerat pillugu Kalaallit Nunaannut nalunaarut

Kukkunersiuisut naalagaaffimmit akuerisaasut aamma nalunaarsorneqarsimasut pillugit inatsimmi, Kalaallit Nunaannut Kunngip peqqussutaatigut nr. 623, 23. juni 2008-meersukkut atuutilersinneqartoq, § 9, imm. 5 naapertorlugu aalajangerneqarpoq:

## Kapitali 1

### *Aalajangersakkat nalinginnaasut*

**§ 1.** Kukkunersiuisumut naalagaaffimmit akuerisaasumut soraarummeerneq (revisoreksamen) eksamenskommisionimi ingerlanneqassaaq, Revisorkommissionimit pilersinneqarsimasumi. Kukkunersiuisumut soraarummeerneq allattariarsornermik oqaluttariarsornermillu misilitsinnertaqarpoq.

**§ 2.** Allattariarsornermi misilitsinnermut innersuunneqassagaanni piumasaqataavoq:

1) revisorkandidateksamenimi (cand. merc. A

2) ud.) angusisimanissaq,

3) revisorkandidateksamenimut angusinnermiit, qaammatisiutini ukiup qaangiunneraniit sivilisunerpaaq ukiut 8-t kingorna, aamma

4) 18-iliinnermit sivilisunerpaaq ukiut 3-t kingorna ilaasimanissaq suliaqarnermiit, kukkunersiuisumut tunngasunik ukiumut nalunaarusiamik imaluunniit assigisaanik naatsorsuuserinnermi nalunaarsuisarnermik kukkunersiuisumut ingerlatsivimmi naalagaaffimmit akuerisaasumi, taamaalilluni minnerpaamik ukiut 2-t ingerlareersimassallutik revisorkandidatimut ilinniarnermi angusinnerup kingorna.

*Imm. 2.* Revisorkommissionip akuersissutigisinaavaa, kukkunersiuisumut

soraarummeernerup allattariarsornermi pisinnaanissaa ukiut 8-nit sivilisunerusup kingorna piffissami, imm. 1, nr. 2-mi aalajangerneqarsimasumit. Piumasaqataavorli, tulliutillugit misilitsinnernut innersuunneqarnerit ukiuni tulleriinni maliinnartuni pinissaat.

*Imm. 3.* Erhvervs- og Selskabsstyrelsi imm. 1, nr 3-mi aalajangersakkami avaqutsisinaavoq.

**§ 3.** Kukkunersiuisumut soraarummeernermi oqaluttariarsornermi misilitsinnermut ilaasinaassaagaanni piumasaqataavoq, allattariarsorluni misilitsinnermi angusisimanissaq. Oqaluttariarsorluni misilitsinnermut innersuunneqarnissaq pissaaq kingusinnerpaamik ukiut 3-t kingorna, allattariarsorluni misilitsinnermi angusinnermiit. Revisorkommissioni tassunga saneqqutsisinaavoq.

*Imm. 2.* Kinaluunniit, allattariarsorluni imaluunniit oqaluttariarsorluni misilitsinnermut 3-riarluni aallartitsimagaluartoq, misilitsinnermut tassunga innersuunneqaqqissinnaanngilaq. Pissutsini immikkut ittuni Revisorkommissioni tassannga avaqqutsisinnaavoq.

**§ 4.** Kukkunersiuisumut soraarummeernermut ilaavoq allattariarsorluni misilitsinneq, Revisorkommissionip aalajangiinera malillugu allattariarsorluni suliaassanik ataatsimik imaluunniit arlalinnik imaqartoq, ullut soraarummeerfusut maliinnartut 2-t ingerlaneranni akissuteqarfigineqartussanik. Soraarummeernermut aamma oqaluttariarsorluni misilitsinneq ilaavoq. Allattariarsorluni aamma oqaluttariarsorluni misilitsinnerit uppersassavaat soraarummeertut naleqquttumik piginnaassuseqarfii susassaqarfinni, kukkunersiuisut naalagaaffimmit akuerisaasut susassaqarfini attuumassuteqartunut tassunga ilaalluni suliaassanik akuerinninneq, suliaassap piareersarnera aamma suliarinera, uppersaanerit aamma nalunaarusiat, naatsorsueriaatsinik naliliinerit aamma aarlerinartunik aqutsinerit, suliffeqarfissuit naatsorsuutaat, naatsorsuutinik misissueqqissaarnerit, ingerlatsiviit ajutoornernik eqqugaasut, kinguaariit nikinneri, naatsorsuutinut aamma akileraarutinut apeqqutinut tunngasuni ikiuinerit aamma siunnersuinerit, aningaasalersuineri pissutsit, nalilinnik inissiinerit, ingerlatsivinnik pisinerit tunisinerillu, imminent akilersinnaanermik misissueqqissaarnerit kiisalu pisariillisaanernik aamma aqutsinernik aqqissuusinernut atatillugu misissuinerit.

*Imm. 2.* Revisorkommissionip allattariarsorluni aamma oqaluttariarsorluni misilitsinnermut tunngasut ingerlanneqarnerannut malittarisassanik ersarinnerusunik aalajangersaassaaq.

**§ 5.** Allattariarsorluni aamma oqaluttariarsorluni misilitsinnerit immikkut naliliivigineqassapput. Naliliineri karakteri “angusivoq” imaluunniit “angusinngilaq” atorineqassaaq.

*Imm. 2.* Soraarummeernermi angusissagaani piumasaqaataavoq, allattariarsorluni aamma oqaluttariarsorluni misilitsinnerni karakteri anguneqarsimassasoq “angusivoq”.

**§ 6.** Ukiumut ataasiarluni soraarummeersitsisoqartarpoq.

*Imm. 2.* Soraarummeernermut innersuunneqarnissaq pillugu qinnuteqaat Revisorkommissionimut tunniunneqassaaq, Erhvervs- og Selskabsstyrelsen aalajangersimasaatut iluseqartillugu. Allatut aalajangiisoqartinnagu, allattariarsorluni aamma oqaluttariarsorluni misilitsinnernut innersuunneqarnissaq pillugu qinnuteqaat Revisorkommissionimit tiguneqareersimassaaq kingusinnerpaamik ulloq 1. juni ukiumi pineqartumi. Oqaluttariarsorluni misilitsinnerinnarmut innersuunneqarnissaq pillugu qinnuteqaat Revisorkommissionimit tiguneqareersimassaaq kingusinnerpaamik ulloq 1. oktober ukiumi pineqartumi.

*Imm. 3.* Allattariarsorluni misilitsinnissamut ilaasussaajunnaanermik nalunaaruteqarneq Revisorkommissionimit tiguneqareersimassaaq kingusinnerpaamik ulloq 1. august ukiumi pineqartumi. Kingusinnerusukkut ilaasussaajunnaanermik nalunaaruteqarneq, pissutsinik immikkut ittunik soorlu nammineq napparsimanermik imaluunniit ilaqtamuk qaniginerpaasamik toqusoqarneranik peqquteqarneranik uppersaatitaqanngitsut, allattariarsorluni misilitsinnermi misiliinertut naatsorsuunneqassapput.

*Imm. 4.* Immikkut akuerineqarnissamik qinnuteqaat § 2, imm. 1, nr. 2-miittoq, kiisalu § 3, imm. 2-miittoq Revisorkommissionimit tiguneqareersimassaaq kingusinnerpaamik ulloq 1. maj ukiumi pineqartumi.

**§ 7.** Revisorkommissionip innersuussuteqarnera malillugu Erhvervs- og Selskabsstyrelsi soraarummeersitsisussanik toqqaassaaq allattariarsorluni aamma oqaluttariarsorluni misilitsinnernut. Kukkunersiuisumut misilitsinnermut soraarummeersitsisut kukkunersiuisuussapput naalagaaffimmit akuerisaasut.

*Imm. 2.* Allattariarsorluni misilitsinnerit soraarummeersitsisumit kiisalu ikinnerpaamik censorinit 2-nit naliliivigineqassapput. Oqaluttariarsorluni misilitsinnerit soraarummeersitsisumit kiisalu ikinnerpaamik censorinit 3-nit naliliivigineqassapput. Kukkunersiuisumut soraarummeernerminni minnerpaamik censori ataaseq kukkunersiuisuussaaq naalagaaffimmit akuerisaasooq aamma minnerpaamik censori ataaseq, kukkunersiuisuussanngilaq.

*Imm. 3.* Allattariarsorluni aamma oqaluttariarsorluni misilitsinnerit nalil iivigineqarneranni Revisorkommissionimut ilaasortat censoritut ilaassapput. Revisorkommissionimili ilaasortat, kukkunersiuisuusut nalunaarsorneqarsimasut, naliliinerminni ilaasinnaangillat. Revisorkommissionip innersuussuteqarnera malillugu Erhvervs- og Selskabsstyrelsi aamma censorit ilassaannik toqqaasinnaavoq allattariarsorluni aamma oqaluttariarsorluni misilitsinnerit naliliivigineqarnissaannut.

**§ 8.** Soraarummeernermut angusiviusumut soraarummeernermut uppersaasiortoqassaaq.

## **Kapitali 2**

### *Naammagittaalliorsinnaaneq*

**§ 9.** Allattariarsorluni imaluunniit oqaluttariarsorluni misilitsinnerit pillugit naammagittaalliuutit soraarummeertumit tunniunneqassapput Revisorkommissionip siulittaasuanut. Naammagittaalliuut, allakkatigoortoq peqqutaalu allanneqarsimasooq, tiguneqareersimassaaq sapaatit akunneri 5-mit kingorna, misilitsinnerminni pineqartumi angusap nalunaarutigineqarneraniit.

*Imm. 2.* Soraarummeersitsisooq censorillu nalileeqqinnerup kingorna naliliinerup siulliup allangortinneqarnissaa imaluunniit aalajangiusimaneqarnissaa aalajangersinnaavaat. Aammattaaq eksamenskommissionip siulittaasua isumasioqatigereerlugu soraarummeersitsinerup atorunnaarsinneqarnissaa soraarummeersitsinerullu nutaamik ingerlanneqarnissaa akuersissutigisinnaavaat, tamatumunnga soraarummeertoq isumaqataappat.

*Imm. 3.* Naammagittaalliuutip suliarinera naammassineqarsimassaaq inerneralu nalunaarutigineqarsimassalluni naammagittaalliortumut Revisorkommissionip siulittaasua aqqutigalugu, naammagittaalliuutip tiguneqarneraniit kingusinnerpaamik qaammatip ataatsip kingorna.

## **Kapitali 3**

### *Atuutileraneranut aamma ikaarsaariarnermut aalajangersakkat*

**§ 10.** Nalunaarut atuutilerpoq ulloq 1. august 2008.

*Erhvervs- og Selskabsstyrelsen, ulloq 28. juli 2008*

OLE BLÖNDAL

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut